

NvK an Hz. Sigismund von Österreich. Er verteidigt den Anspruch (seines Neffen Simon von Wehlen) auf die Domherrenpfründe zu Brixen gegen die Vorwürfe, dem bisherigen Inhaber Leonhard (Wiesmair) sei Unrecht geschehen. Falls Leonhard sich nicht als Bischof von Chur durchsetzen könne¹⁾, werde NvK ihm behilflich sein, die Pfründe wieder zu erlangen.

Or., Pap. (Reste des Verschlussiegels rückseitig): INNSBRUCK, TLA, Sigm. LX 62 f. 102 (Nr. 57). Früher: Pestarchiv XXXIX 157. Schreiber: Lorenz Hamer.

Druck: Baum, Leonhard Wiesmair 440f.

Em.: Baum, Leonhard Wiesmair 437.

Hochgeborner furst, besonderlieber herr und freunde. Unser willig freüntlich dinst
zuvor. Wir haben in diser stünde ewer lieb brief²⁾ emphanen, antreffend ein chor-
herrnphründt zu Brichsen. Lassen wir ewr lieb wissen, daz unser freünd³⁾ sich also in
der sache gehalten hätt nach begern des capitels, das her Lienhart⁴⁾ daran billich ain
benügen solt haben. Und wer er unser bruder, so möcht unser freündt nit mer fur in
getan haben. Wolt aber her Lienhardt darinn dhein benügen nicht haben, so sol unsern
freünd mit recht wol benügen.

Dann auf den artickl, als ir uns schreibt, wie ir meinet, wir schuldig sullen sein nach
gelegenhait und herkomen aller sachen herrn Linhardten und auch euch von seinen
wegen, wissen wir nit klerlich zuantwurtten, wir verstünden dann die maynung, dann
das mögen wir schreiben. Wir haben herrn Lienharten das beste geraten, als er das
selbs wol ways. Beleibt er bey der kirchen Chur, so günden wir unserm freünd seins
rechtens zu der phründ billicher dann einem andern. Wurde aber der benant her
Lienhart zu Chur nit beleiben und solt wider zu seinen geistlichen lehen kumen, so er
vor gehabt hat, so günden wir im der phründt bas dann yemands anderm, wann er si
von unserer ersten bette wegen gehabt hat. Geben zu Brichsen umb zehen vor
mittemtag am sambstag nach sand Erasems tag. Anno etc. lvi^o.

Nicolaus von gots gnaden cardinal sand Peters etc., bischove ze Brichsen.

(Adresse rückseitig) Dem hochgebornnen fursten herczog Sigmunden hertzogen ze
Österreich etc., unserem besonderlieben herrn und freünde.

¹⁾ Zur Sache s.o. Nr. 3451, 3557, 4787, 4811.

²⁾ Nicht erhalten. Vgl. aber Nr. 4811 (1456 Mai 31).

³⁾ Simon von Wehlen, Neffe des NvK.

⁴⁾ Leonhard Wiesmair, Elekt zu Chur, der Vorbesitzer der Pfründe. Vgl. Nr. 2975 Anm. 7.